

Vrbs ampla, elegans atque clarissima in infima inferioris Bavariæ parte ad Austriæ initium, in utriusque ni-
 mirum Provinciæ confinio, inter Danubii & Oeni confluentes, Peninsulæ instar, loco commodissimo pariter,
 amœnissimoque sita. Episcopali, cui pareret sede, & amplissima, quæstuosissimaque omnis generis commer-
 ciorum negotiatione admodum celebris. Tam præstanti siquidem ad negotiationem situ ob fluviorum,
 locique oportunitatem excellit, ut quemadmodum ob rapidissimorum fluminum concursum, Lugdunum
 in Gallijs, Gandavum in Flandria quæstuosâ negotiatione florēt: ita hoc Germaniæ tractu, eodem nomine præ-
 ceteris urbibus commendatur Patauia. *Landsbutum*, vulgò *Landshut*, urbs celeberrima, & primariæ dignita-
 tis ad fl. Isaram sita, qui urbem hanc præterlabitur, magno Incolarum commodo & ornamento. Hanc Ire-
 nicus ex quinta Ptol. Europæ tabula *Inutrium* statuere videtur, cui tamen situs non optime convenit. Ac
 proinde melius Ptol. *Inutrium* Aventinus vere linceus Germaniæ, potissimum vero Boiariæ suæ petulstrator,
Mittenwaldt Bavariæ pagum cis Alpes constituit. Condita est anno cccccviii a Ludovico Bavariæ Duce: A-
 gro beata fertili Frugum, Animalium, Vini, omnisque generis Fructuum. Vrbs ipsa ædificijs admodum ve-
 rustis & elegantibus nitet: inter quæ principem merito locum obtinet summum Urbis Templum, quod ar-
 tificiosa structura, & vivo ex lapide visenda, imo stupendæ altitudinis turri conspicuum est. Magnificum er-
 iam Illustriss. Alberti Ducis, in inferiore urbis parte cernitur Palatium *Novum* vulgò *adificium* nuncupatum. *Flumina.*
 Fluvii Bavariam scindunt beantque plurimum non pauci, *Danubius*, totius Europæ maximus, Græcis pariter
 arque Latinis Scriptoribus celebratus: *Lavarus* & *Isara* amnis, ut amœnus, ita pisculentus & rapidus: *Illicetus*,
Oenus, *Lycus*, *Alemannus*, vel *Alimula*, *Nabus*, *Regus*, *Ambra*, *Zoyza*, *Vilsis*, *Wolfsaba*, *Gyssea*, alique pæne in- *Lacus.*
 numeri. Præter hæc flumina complures etiam ac spatiosos habet Lacus, singulis, singula sibi Piscium gene- *Montes.*
 ra, & tanquã privatas formas custodientibus: cuiusmodi sunt, *Ammersee*, *Asee*, *Wirmsee*, *Rorsee*, &c. Montibus *Alpes* & *Caravancas* Mons. Silvis pæne infinitis ita spargitur, ut una videri queat, uti revera est: Hercyniæ enim *Silva.*
 omnes hæc portiones sunt, ac totum propemodum eam olim hunc tractum contexisse, vix dubium est. Ve-
 rum diversa, hæc eiusdē silvæ portiones sortitæ sunt nomina, cuiusmodi sunt: *Heynerdoch*, *Schwartzwalt*, *Grun-*
walt, *Zellerwalt*, &c. Populus agri & pecoris magis quam belli cultor, neque Mercaturæ multum deditus, tan- *Vulgi moret.*
 tum Baccho & liberis operam dat: raro natale solum relinquit. Porro i i Circulus Imperii Bavaricus tribus
 Ordinibus constat. In i sunt Episcopi: Archiepiscopus *Salzburgensis*, Episcopus *Passaviensis*, Episc. *Freisingensis*,
 Episc. *Ratisbonensis*. Abbates: Præpositus *Berchtolsghaden*: Ab. *Kempseck*, Ab. *Waldsachsen*, Ab. *Roden*, *Rot opinor*,
 Ab. *Keishaim*, Ab. *S. Haymer an Ratisbona*. Abbatissæ, *Alt Munster*, & *Ober Munster* Ratisbonæ. In ii sunt Dux
Bavaria, Co Palatinus *Bavaria*, Landg. *Luchtenberg*, Co. *Hage*, Co. *Ortenburg*, B. in *Stauffen*. forte *Thuna Stauff*,
 aut *Stauffnegk*, D. *Rimfels*, forte *Rhinfelden*, B. *Degenberg*, *Obersultzperg*. In iii sunt *Freistet*, *Regensperg*.
 iii ij *Bavaria*